



# Grant Thornton

An instinct for growth™

**Radio-Televizija Federacije Bosne i Hercegovine**

**Ul. Bulevar Meše Selimovića 12**

**n/r direktora**

**Grant Thornton d.o.o. Banja Luka**

Vase Pelagića 2/IV  
78 000 Banja Luka  
Republika Srpska  
Bosna i Hercegovina

T +387 51 211 509; +387 51 211 294

F +387 51 211 501

E office@grantthornton.ba

www.grantthornton.ba

26. mart 2018. godine

Broj: 400-05-01Ž/18

Na osnovu čl. 3 i čl. 64 st. 2 i 3, a u vezi sa čl. 97, čl. 99 i čl. 101 st. 1 tačka b) Zakona o javnim nabavkama BiH (*Službeni glasnik BiH*, br. 39/14), protiv Tenderske dokumentacije u postupku javne nabavke "Revizija finansijskog poslovanja" br. 25/18 od 16.03.2018. godine (dalje: TD), blagovremeno izjavljujemo sledeću:

## ŽALBA

Zbog:

- Povrede odredaba čl. 3 i čl. 64 st. 2 i 3 Zakona o javnim nabavkama BiH (u daljem tekstu: Zakon).

## Obrazloženje

Dana 16.03.2018. godine društvo Grant Thornton d.o.o. Banja Luka (dalje: Žalilac) preuzelo je Tendersku dokumentaciju u postupku javne nabavke "Revizija finansijskog poslovanja" broj 25/18 od 16.03.2018. godine (dalje: TD) za koju smatramo da je u suprotnosti sa Zakonom.

U TD - *Kriterijumi za dodjelu Ugovora*, a u dijelu u kojem se govori o ekonomski najpovoljnijoj ponudi ponudi (*pod 4.1.*), jasno se kao podkriterijum (u tački 4.3.) navodi - broj revizora i revizorskih pripravnika, što je u suprotnosti sa čl. 64 st. 1 t. a) Zakona. Radio-televizija Federacije Bosne i Hercegovine (dalje: Ugovorni organ) je u TD razradio kriterijum "ekonomski najpovoljnija ponuda" na način da je definisao i razradio podkriterijume za ocjenu ponuda. U skladu sa tim, podkriterijumi su: cijena, ukupan broj angažovanih revizora i revizorskih pripravnika i rad na terenu.

Smatramo da podkriterijum - ukupan broj angažovanih revizora i revizorskih pripravnika nije definisan u skladu sa čl. 64 st. 2 i 3 Zakona, zbog čega je i TD u koliziji sa odredbama Zakona. Naime, u čl. 64 st. 2 Zakona jeste predviđena mogućnost da se kriterijum ekonomski najpovoljnije ponude razradi na način da se definišu i detaljno razrade podkriterijumi za ocjenu ponuda, ali je isto tako jasno navedeno šta mogu biti kriterijumi za ocjenu ponude: kvalitet predmeta javne nabavke, cijena, tehnička sposobnost predmeta nabavke, funkcionalne i ekološke karakteristike, operativni troškovi, ekonomičnost,

